

The Ohio State University



3 2435 07269922 6

OHIO STATE UNIVERSITY BOOK DEPOSITOR



8 07 18 01 8 06 050

BEKTAŞI  
NEFESLERİ



MAIN STACKS



5070

A NOTE TO THE READER:

Because of its value and condition,  
this volume has been microfilmed to  
preserve its content.

Please check the Libraries' catalog  
for location of a copy of that  
microform.

Thank you, 8/27/1993  
DG  
The Preservation Office







# بکتابشی نفسری

جامعی

درویش روح الله

- کلاه حاجی بکتابش ولی بی -

- کیهن ادراک ایدر سر علی بی -

## اصحاب انقاس

قیغوسز سلطان - آبدال موسی - قازاق آبدال - کووه نج آبدال -  
رسم علی بابا - ندیمی بابا - شاهی بابا - پیر سلطان - صفی حطائی - قلندر -  
علی بابا - اوغلان شیخ ابراهیم افندی - صنع الله غیبی بابا - محیطی بابا -  
یری بابا - بوسنوی بابا - ولی بابا - حسن دده - ابراهیم ادیم بابا -  
ت بابا - شیخ سلامی افندی - دردلی بابا - سیرانی بابا - پریشان بابا -  
هاتی بابا - ترابی علی دده بابا - جمالی بابا - محمد علی حلمی دده بابا -  
فیق بابا - درویش شوکت - ادیب خرابی بابا - مصطفی عجزی بابا - رضا  
فیق بابا - درویش بجانی - یکسانی بابا - محرابی بابا - درویش وصفی ملاهی -  
بابا - درویش روح الله

صاحب و ناشری


کتابخانه سودی

استانبول باب عالی جاده سی

۱۳۴۰



PL248  
R82 B44  
1921





## ياران حقيقتہ

طريقت عليہ بکـتاشیہ درکاء و زاویہ لرنده الحاله هذه قرائت اوله  
کلن بعض منتخب نفس و الہیلرله ؛ قدیم مجموعہ لردہ مصادف نظر  
مطالعہ اولان برطاقم انفاس نفیسہ و اشعار لطیفہ یی بردفترہ قید و ثبت  
ایده رک اکثر ازمانده مطالعہ سیلہ لذتیاب اولمقدہ بولنمشدم .

بعض اخوان صفا فقیرہ بونلرک طبع و تمثیلی و استفادہ سنک  
تشمیلی خصوص فی ابرام ایتمکده ایدیلر . درویش فقیر دخی یاران  
مشار الیہمک امر عالیلرینی خاطرہ منت بیلہ رک بوجمموعہ یی طبع و نشرہ  
مجبور قالدہ .

بوجمموعہ یی وجودہ کتیرہن یوزہ قریب نفسلرہ اک زیادہ انتخاب  
اولنمش پارچہ لردہ . نوعلری یوسبوتون باشقہ بر خصوصیت ابرازایدن  
وبر قیر چیچکی کی لطیف ؛ کلر قدر خوشبو اولان بومنظومہ لرک  
روح بیانی تام شرقک حکمتی ، اسلامیتک تصوفی در . وحدت وجود  
مسلمکنک وجیز و مقنع دستورلرینی ، حب اهل بیتک صمیمی فریادہ  
لرینی ؛ کتم اسرار ، حق یولندہ فدای نفس ، حقیقت کبرایہ وصول  
ایچون مجاہدہ کی فضائل و خصائل طریقتک تلقینات و تلقیاتی بوبسیط  
وتورکجہ سطرلردہ بوتون وضوحیلہ کورمک قابلدہ .

تورک تاریخ ادبیاتجہ یک زیادہ حائز اهمیت اولان و خلق طرز  
شعری دینیلن طرزک منبئی بولنان بونفیس پارچہ لری تدقیق و مطالعہ  
ایلہ محصلہ تبعلرندن عرفان ساحہ سنہ اثرلر ، مقالہ لر اہدا ایدنلر  
ظہور ایلرسہ جامع حقیر دہا زیادہ ممنون و منبسط قالہ جنم .

ہمان جناب حق جملہ مزی عارف حقیقت و معرفت اولان جانلردن ایلیدہ .

آمین بحرمة طہ و یس



## خطائی

باطنمده دیدی بکا بر عزیز

محبتدن کچن حقندن ده کچر .

ویرمه یك نصیبین، کسیك غدا سن

محبتدن کچن حقندن ده کچر

محبت آدمی حقه یرادر

محبت ایتمین جان مدارادر

دنیا ده ، آخرتده یوزی قارادر

محبتدن کچن حقندن ده کچر

کرچک اولان برنفسه اینانه !

جانمز ویریز قربان ، جانانه

لعنت اولسون اقرارندن دونه نه

محبتدن کچن جانندن ده کچر

درت قیو، قرق مقام، یتیش ایکی قات

محبت دیدکاری تجلی ذات

مؤمنه ، مسلمه خیر نصیحت

محبتدن کچن حقندن ده کچر ...

محبت دیدکاری خاسلر خاصیدر

محبت اولیان حقک نه سیدر ؟

درست خطائی نک حق نفیدر

محبتدن کچن حقندن ده کچر ....





## خطائی

- چہ قدم قرقلر یایلاسنه  
« کل بری ای جان ! » دیدیلر .  
عزت ایله سلام ویردم ،  
« کیر ایشته میدان ! » دیدیلر .  
یرلی یرنده طور دیلر  
یرلرندن یر ویر دیلر  
اورتیه صوفره سردیلر  
« ارنلر قلبی غنیدر ،  
« لقمه مزه بان ! » دیدیلر .  
کلشک قندن بریدر ؟  
یودوغی قلبی آریدیر ؟  
« کوردیکی کوزک ایله  
کل سویله اخوان ! » دیدیلر .  
اوندن صوکره بزم ایله  
بیان ایتمه سوزک ایله  
اول سن ده مهمان ، دیدیلر .  
شاه خطائی م ! ندر حالک ؟  
دعا ایدوب قالدیر ألك ،  
کسه کور غیبتدن دیلک  
جمله من یکسان دیدیلر .





## سیرانی بابا

حق یولنه کیدنلرک  
ار پیر و صفن ایدنلرک

عصا اولسه م اللرینه  
قربان اولسه م دیللرینه

براستاده اولسه م چراق  
یاپسه لر کیمک طاراق

بر اولوردی یاقین اوراق  
یار زلفنک تللرینه

یونم حقه دوندورسه لر  
حارمان کبی صاوورسه لر


کیمکی قاوورسه لر  
محبتک یللرینه

طورونی یز بر دده نک  
منکر ایله جنک ایدنک

تخمی یز بر بدنک  
سلاح اولسه م بللرینه

سیرانی قالدیر پارماغک  
دریا یه آقان ایرماغک

وقتیدر حقه دورماغک  
قطره اولسه م سیللرینه





## پىر سىلطان

دىرى يە صايدىلر بىزى  
سورويە صايدىلر بىزى

اويور ايكن اوياردىلر  
قويون اولدق سىس آ كلادق

قنارەيى مسكن طوتدق  
شكر خوش كوردىلر بىزى

سورولوب قصابە كىتدك  
دېزار دفتريئە يىتدك

يولمىزى يول ايله دك  
آرى يە صايدىلر بىزى

حالمىزى حال ايله دك  
هرچىچكدن بال ايله دك

پىر دفتريئە يازىلدق  
طولى يە صايدىلر بىزى

حق ديواننە دىزىلدك  
بال اولدق شربت ازىلدك

چوق كرامت وار انساندە  
على يە صايدىلر بىزى .

پىر سىلطانم آبدالم شونددە  
او جهانددە ، بو جهانددە





## رضا توفیق بابا

فتنه عشق ایله شوریده دلز	حیران خدادر کوزمن بزم
چاموردن یاییلمش آدم دکاز	ذات حقله بردر اوزمن بزم
« اینما تولوا ثم وجه الله »	سرینه واقفسه کسن ای مددخواه!!
بزله خوشجه باق، کل اوله کمره	صورت رحماندر یوزمن بزم
مرشدلر که خلقی حقه یدر لر	سرا بزله کلیر، بزدرن کیده لر
نقش پایمزی دلیل ایدر لر	حقیقت یولیدر، ایزمن بزم
وقف نفس ایله یوب عرفان ذاته	.....
مهرفت دیله یین اهل حاجاته	قبله گاه اولمشدر دیزمن بزم
دنیا وارلغنده یوق هوسبمز	حقک لسانیدر هر نفسمز
تولوبه نفخ روح ایدر سسمز	عالمه جان ویریر سوزمن بزم
صفاوارسه آنجق بزدرده واردر؛	پاکیزه کوکمز نستر نزاردر
نیرنک حسن ایله عین بهارد	قیشمز، یازمن، کوزمن بزم
هی رضا! اوزکده حق مستردر	سن، بن دیدکلرک وهم ظاهر در
آیری غیری دکل دیرلکده بردر	یدیمز، قرقمز، یوزمن بزم





## قلندر

دون کیجہ سیرانده باطنده یوزنده  
 البنی تاج باشنده ، نقاب یوزنده  
 کچدی سجاده یه اوتوردی کندی  
 اشارت ایلدی قاره آبدال صوندی  
 قلندر یولنه قویدی بوسری  
 راه حقیقتک کرچک رهبری  
 خنکار حاجی بکتابش ولی بی کوردم  
 اصلی امام ، نسل علی بی کوردم  
 جمالك نورندن چراغ اویاندى  
 پیر الندن کلن طولی بی کوردم  
 شکر قوربان کسک کوردک دیداری  
 مقصود اولان امام علی بی کوردم

## آبدال موسی سلطان

محمد علی نك قیلدینی دعوی  
 محمد قرقلره بر ناز ایلدی  
 قرقلر اوزین بر آراه قویدیلر  
 دوه بی کوردگی ! کورمدک دیدیلر ؛  
 کزدیکک یرلرده آره بوله سک ؛  
 حقتک هر سرینه ستار اوله سک !  
 نه دیهیم شو عرفانسز قالانه ؟  
 اوچیوز آلتش مردیونی بیله نه  
 آبدال موسی مردم کوچک ار ایسه  
 حقتک دیدارینی کورهیم دیرسه  
 یوق میدانی دگل ، وار میدانیدر  
 عار میدانی دکل ، ار میدانیدر .  
 ارنلر ثلوی صوسز یودیلا  
 سن اورت اتکنی سر میدانیدر .  
 صهبا اولوب مردم کوثر دوله سن !  
 چک چویر کندیکی کار میدانیدر .  
 یوف چکرلر بومیدانده یالانه  
 کور میدانی دکل ، کور میدانیدر .  
 علی بی سوه نلر محب یار ایسه  
 اورغانی بویتنده دار میدانیدر .





## غزلپاره قیغوسز

الله الله یارهدن	کل ایچه کور جرعه دن
دوست ایله دوست اوله کور	دشمن قالقار آره دن
بکله بجه پی صاقین	صو صیغیری کیرمه سین
صو کره اوچورمیه سک	قندیلی مناره دن
. . . . .	
قیغوسزک ایشلری	حلوا پریان یمکدر
پوندن آرتق هنری	صورمه بویچاره دن



## دوریه شیرى بابا

جهان وارا اولمه دن کتم عدمده  
 حق ایله برلیکده یکداش ایدم بن  
 یاراتدی بوملکی چونکه او دمدده  
 یاپدم تصویرینی ، نقاش ایدم بن

عناصردن بر لباسه بوروندیم  
 نار و باد و آب و خا کدن کوروندیم  
 خیر البشر ایله دنیا یه کلدیم  
 آدم ایله بیله بریاش ایدم



آدمک صلبندن شیت اولوب کلدیم  
 نوح نبی اولوب طوفانه کیردم  
 بر زمان بوملکه ابراهیم اولدم  
 یایدم بیت الاهی طاش طاشیدم بن

اسماعیل کوروندیم بر زمان ای جان !  
 اسحق ، یعقوب ، یوسف اولدم بر زمان  
 ایوب کلدیم ، چوق چیغیردم الامان  
 قورت یدی وجودم ، قان یاش ایدم بن . . .

ز کریا ایله بنی یحیدیلر  
 یحیی ایله قائم یره صاحبیدیلر ؛  
 داود کلدیم چوق یدشمه دوشدیدلر  
 مهر سلیمانی چوق طاشیدم بن

مبارک عصایی موسایه ویردم  
 روح القدس اولوب صریحه ایردم  
 جمله اولیایه بن رهبر اولدم  
 معجز مرغ شب خفاش ایدم بن

صلب پدرمدن احمد مختار  
 رهنالردن ایردی ذوالفقار  
 جهان وار اولمه دن اهل یدته یار  
 قول ایکن دستنده برطاش ایدم بن



بکشتاشی نفسلری

تفکر ایلدم بن کنندی کندم  
معجزه کورمه دن ایمانه کلدیم  
شاه مردان ایله دلده پندیم  
ذوالفقار باغلادم ، تیغ طاشیدم بن

سقا هم خرندن ایچیلدی شربت  
قورولدی عین جمع ، ایتدک محبت  
میدانه آچیلدی سر حقیقت  
آلدیغم اسراره سرداش ایدم بن

هدایت ایریشدی بزه اللهدن  
بیعت ایتدک جمله ، رسول اللهدن  
خبر ویردی بزه سیر فی اللهدن  
سلمان پاک ایله یولداش ایدم بن

شکر مطلوبی کتیردم آله  
کل اولدم فریادی ویردم بلبله  
جمع اولدق بریره اهل بیت ایله  
قرقلر میداننده فراش ایدم بن

اقرار ویردک جمله دوزولدک یوله  
سری فاش ایتدک اصلا برقوله ؛  
کربلاده امام حسینله بیله  
پاک ایتدم دامانی کلداش ایدم بن



شوقنا ملکنه چوق کلدیم کیتدم  
یاغهور اولوب یاغدم ، اوت اولوب پیتدم  
اوروم دیارینی بن ارشاد ایتدم  
خراساندن کلن بگناش ایدم بن

گاه نجی ، گاهی ولی کوروندیم  
گاه اوصلو ، گاهی دلی کوروندیم  
گاه احمد ، گاهی علی کوروندیم  
کیمسه بیلمز سرم قلاش ایدم بن

شیمدی حمدلله شیری دیدیلر  
کلدم ، کیتدم ذاتم هیچ بیلمدیلر  
کیمسه لر بورمزی فهم ایتدیلر  
هر کلن مخلوقه قارداش ایدم بن



ندیمی بابا

فلکک طاق بروجنده ،  
یاشهیم بن دخی بر اوجنده...  
قمو بر اولدی اسفل واعلی  
اهل دل قالدیلر عروجنده..



نه ذکاتین قیلهم طمع مالک ؛  
 نه نمازنده ، نه اوروجنده ...  
 آرادم حتی بولمادم اصلا  
 نه فرنگنده ، نه بلوجنده ...



## مرآتی

زنجیر کار ایله من بزره صوفی !  
 بیک جان ایله بر جامانه باغلی یز .  
 آکلایوب بیلمشز امر معروفی  
 اول باقی عادل خانه باغلی یز

لامکاندن فی مکانه گلشز ،  
 هر بر صفات ایله مقیم اولمشز ؛  
 نقطه سر ، کاف ونونی بیلمشز  
 دکل من علیها فان ، باغلی یز

سچمه دک یاریمز اغیاریمزدن ،  
 کیسه واقف دکل اسراریمزدن  
 دونه دک مرآتی اقراریمزدن  
 حاجی بکتابش پیر سلطانه باغلی یز ...





## کنج آبدال

سقا هم سرنی سویله مه صاقین!  
 صاقله قولم بنی ، صاقله یم سنی ...  
 جوهر ذاتی کشف ایتمه صاقین...  
 صاقله قولم بنی ، صاقله یم سنی!

الده ، آیاغکده ، دیلده ، کوزکده  
 حقه راضی اول هر بر سوزکده ؛  
 جانکدن ایچری کندی اوزکده  
 صاقله قولم بنی ، صاقله یم سنی ..

دیزیلش قطاره کرچکلر ، پیرلر  
 حقه امری ایله حقه کیدرلر  
 « حقیقت سرنی سویله مه ! » دیرلر  
 صاقله قولم بنی ، صاقله یم سنی ...

کنج آبدالم ! صاقلا سن سنی سنده ؛  
 حق سنی صاقلا سین جان ایله تنده ...  
 حق بیوردی « بن سنده یم ، سن بنده ! »  
 صاقله قولم بنی ، صاقله یم سنی ...





## درویش و صنی ملا می

بن دوست ایلی کوردم ، یبانه کیدرمی یم ؟  
 اهل بصیرت اولدم کورلکی ییدرمی یم ؟

هنوز عارف اولیان انسانمیدر عالمده ؟  
 قوین انسانم دیسون ، یا بن عجب دیرمی یم ؟

روضه و خدمتک خندانلغن کورمین  
 قوقماینجه نه بیلسون کلمی یم ، عنبرمی یم ؟

او شاهلرک شاهنک پرده جیسی اولشم ؟  
 کیمسه بکا قاریشماز ، آچارمی اورترمی یم ؟

تکری جملہ بی محیط اولولنی عیاند  
 جمالی کورمشم ، تکری بودر دیرمی یم ؟

وصفی او ادنایی بیلیر ، او ادنایی بیلنلر  
 او ادنایه ایرمیه نه یا سجده ایدرمی یم ؟





## ترابی علی بابا

روکردان اولانلر فانی جهانندن  
 منزل عقبایه ایلیشدی قالدی .  
 خشك ریا ایله زاهد ، کاندن  
 کچمه دی ، اسمایه ایلیشدی قالدی .

نظر قیل دیدۀ عبرتله جانا !  
 دولدیریر عالمی نه در بودریا ؟  
 شمس بین اولمامش خفاش اعما  
 بهشته ، طوبایه ایلیشدی قالدی .

سمت طور عشقه دوغریلیرسه راه ،  
 مطلوب ومقصودك ویریر شهنشاه  
 شجردن خطاب انی انالله !  
 حضرت موسایه ایلیشدی قالدی .

ترابی زار ایدر لیل ونهاری  
 سمت دشوار ایمش بو عشقك کاری ،  
 کیمسه بیلمز : نه در لدن اسراری ؟  
 برکیزی معنایه ایلیشدی قالدی ...





## محیطی بابا

بز که دریای معارفده در نایابز .  
 ذره دن ظاهر اولور نیر عالمتابز .

هر نه صادر اوله بز دن قو فعل حقدور ،  
 فاعل مطلقه بز آلت و بز اسبابز .

نوله کر چا کریمز اولسه شه هفت اقلیم  
 جذبه عشق الهیه سر قلا بز .

مفردز ، پوست دوشوبدر بز مه مغز قرآن  
 علم ارباب مرکبه اولوالالبابز .

صفت و شائمز ادراک ایده من هر بی دید  
 مرد معنی مظاهر ، صور و هابز

وجه من موضعیدر سجده که حاصله عام  
 کعبه اهل دلز ، قبله جان محرابز

ای محیطی بز ، اول عقده کشای عالم  
 یعنی میر عرفا ، شهر علومه بابز .





## قازاق آبدال

اوتلايۇب قارنن طويۇره  
يورانك دە .....

يىقار خراب ايدر كويى  
دوكانك دە .....

برىسى دە وار يىمىرك ،  
قىلانك دە .....

ايكىل ، ايكىل ايكىلەسن  
ويرەنك دە .....

مىزارىنە كوتورەنك ،  
امامك دە .....

ايشيدنلر خط ايلدى  
صورانك دە .....

اشكى صالدم چايره  
دوشى كوروب دە خيره

كويىنە سوققە بدخويى  
ئولوسىنە ميت صويى

برغمازك ، مطرە بازك ،  
ئولورسە ميت نمازك

درىنجە قازىك قويوسىن  
كەفى دىكن ايكنەسن

داغدن تىختە ايندىرەنك ،  
اسقاطنە اوطورانك

قازاق آبدال نەسويىلدى ؟  
صورارلرسە كيم سويىلدى





## قىغوسىز سلطان

آدمى بالچىقدن يوغوردىك ، ياپدىك  
ياپوب دە نىلرسىك ؟ بوندن سىكانە ؟  
خلق ايتدىك انسانى جهانە صالدىك  
صالوب دە نىلرسىك ؟ بوندن سىكانە ؟

بقالمىسىك ترازويى نىلرسىك ؟  
ايشىك كوجىك يوقدر ؟ كوكل اكلرسىك  
قولاك كىناھى طارتوب نىلرسىك ؟  
كچيوير صوچىندن ، بوندن سىكانە ؟

قطران قازانى دوكيوير كىتسون ،  
مؤمن اولان قولار ديداره يتسون ؟  
امر ايله يىلانى تاممويى ؟ يوتسون  
سوندورسون تاممويى بوندن سىكانە ؟

قىغوسىز آبدالم ، سوزمىز بودر  
ھىزىزدە چاغىرسەم حق اوندى ھاضر  
ھې دوزخە باصديرىرسىك كىم نەدير ؟  
ياقە قوللارىكى ؟ بوندن سىكانە ..!



## خطائی

محمد علی بی جان دن سوہ نلر  
 یوریلوب یولارده قالماز انشالله  
 امام حسنک یوزین کوره نلر  
 حسیندن محروم اولماز انشالله  
 امام زینلدن برطولی ایچدم ،  
 امام باقردن قاینایوب جوشدم ،  
 امام جعفره واردم ، اولاشدم  
 بوندن اوز که یوله صایماز انشالله  
 امام موسادن کلن ارنلر  
 جان باش فدا ایدوب جملر کوره نلر ،  
 امام رضایه زهر ویره نلر  
 دیوانده شفاعت بولماز انشالله  
 برکون اولور اوقوتیرلر دفتری  
 شاه اوغلنک بلنده در تبری  
 اویانورسه تقی ، نقی ، عسکری  
 آچیلان کلز صولماز انشالله !  
 خطائی دیر بوایش بزی بیتیره !  
 اوزیکی قاته کور اولو قطاره  
 مهدی شوقی بوجهانی طونار آ ..  
 شاه اوغلنه ستم اولماز انشالله .





## رضا توفیق بابا

کل زاهد دیوانی چیقار قوینو کدن ؛  
 هدایت ویرمه مش او کتاب سکا !  
 سنی صاغیر ایتمش اولو یارادان  
 ایچکدن کلمه مش بر خطاب سکا

مظهر اولدی انسان سر مبهمه ،  
 جان ویردی ظهوری جسم عالمه .  
 سجده ایله مدی ابلیس آدمه  
 بوقصدن بر آاز حصه قاپسهك آ !

آدم صورتنده رحمان کوروندی ؛  
 جهاننده سر قرآن کوروندی .  
 قدرتی نطقنده عیان کوروندی  
 طاپاجقسهك باری حقه طاپسهك آ !!

الله اوه کیرمن سر مطلقدر ،  
 درت دیواره فیلان احققدر .  
 حج ایتمه دن مقصد کوکل یایمقدر .  
 سن ده بهی نادان کوکل یاپسهك آ

هی رضا یوروله غربت ایللرده ،  
 غیرت جهل ایله قالمه یوللرده .

بهوده دولاشدك قوملی چوللرده  
 کوکل سمتنده بر آاز صاپسهك آ



## بوسنوی بابا

درویشم دیوب ده میدانہ کلدک  
 وارلغن ترک ایدوب کچه بیلدکمی ؟  
 بومیدانہ کلوب ارکانہ طور دک  
 بو ارکانک سرن سچہ بیلدکمی ؟

حقیقت اهلنک دوغرودر یولی ؟  
 محبت کلندہ باغک بلبل  
 حق محمد ؟ مشرب امام علی  
 بومشربدن طولی ایچہ بیلدکمی ؟

پیرہ خدمت ایدوب ارکانک ایچون  
 بر عمل قازانوب ایمانک ایچون  
 عشق ایله چالیشوب اوز جانک ایچون  
 محبت خر قه سین بیچہ بیلدکمی ؟

وارلغله یوقلغہ بازار ایلدوب  
 کفر ایله ایمانک هم یار ایلدوب  
 قلبی اریدوب انوار ایلدوب  
 کانسز پرده بی آچہ بیلدکمی ؟



بونده نهلر واردور بر نظر ایله !  
 یحشی یمان صاقین آله سن دیله  
 نصیحتم طوتوب بوسنوی دیکله  
 جان کوزینی بیلیم آچه بیلدکی ؟



### درویش روح الله

حقیقت شهرنده معنا باغندن  
 کلر دیرملره الله ، ایوالله !  
 تجلی بزمنک نور چراغندن  
 دیدار کورملره الله ، ایوالله !

حق چراغن یاقدی پیر بکیتاش ولی  
 محبت نشئه سی مست ایتدی دلی  
 بحق انوار مرتضی علی  
 جملر سورملره الله ، ایوالله !

عیاندر حقیقت برتک نقطه دن  
 نقطه ده کیزلیدر اسرار یزدان  
 نقطه نك سرنی بزه آکلان  
 کرچک ارملره الله ، ایوالله !

## بکتابی نفسلری

کرچه خاکپایز مجلس یاره  
 هر لحظه نائلز لطف دیداره ،  
 انا الحق اوغرنده چکیلوب داره  
 جان باش ویره نلره الله ، ایوالله !

صوفی دخل ایله یور جمع وحدته ،  
 نه یاپسین شاشیرمش ، دوشمش غفلته ؛  
 شیمدی روحی کبی عرش عزالته  
 بوسقی سره نلره الله ، ایوالله !



## پیر سلطان

بر نفسجک سویلیه یم  
 دیکله من سهک نیله یم  
 عشق دریاسن بویلا یم  
 عمانه دالمغه کلدیم

بن حقک کتر قولی یم  
 کم دامارلردن بری یم  
 عین جمک بلبلی یم  
 میدانه اوتتمک کلدیم.



بگشتاشی نفسلری

بن حقله اولدم آشنا  
قالمدی کوکلمده نسنه  
پروانهیم آتشنه  
اوزینه یانمغه کلدیم .

عشق حارماننده صاورولدم  
هم الندیم ، هم یوغسولدم  
قازانه کیردم قاورولدم  
میدانه ینمکه کلدیم

پیر سلطان کندی اوزنده  
اکسیکلک وارمی سوزنده  
مولادر هر دم کوزنده  
دارینه دورمغه کلدیم



بوسنوی بابا

محبت قاپوسن آچیم دیرسهک  
آچان ده ، آچدیران علیدر ، علی !  
حقک جمالنی کورهیم دیرسهک  
کورهن ده ، کوسترهن علیدر ، علی !

محمد مصطفیٰ جهان سروری  
 معراجدن آچیلدی بویولاک سری  
 کیمسه لر بیلمزدی علیدن غیری !  
 بیان ده ، بیلدیره ن علیدر ، علی !

درویش اول ای قرداش دوشمه عناده  
 صافی قیل کوکلی ایش میعاده  
 بندکی ترک ایدوب ایش مراده  
 ایره ن ده ایردیره ن علیدر ، علی !

منکرک عسکری شامه چکیلدی  
 مؤمن اولانلره نامه یازیلدی  
 قرقلرک جمعنده شربت ازیلدی  
 آزه نده ، آزدیره ن علیدر ، علی ! ..


محمد علیدر قرقلرک باشی  
 آنی بیلمه یه نك نجه اولور حالی  
 بوسنوی آقیدیر کوزندن یاشی  
 آقیدوب آقیدیران علیدر ، علی !





## خطائی

یول محمد علینک در	ابتدادن یول صورارسهك
دین محمد علینک در	یتیش ایکی دین صورارسهك
جمله عالم دوم دوز اولور	کیجه اولور کوندوز اولور
آی محمد علینک در	کوکده قاج بیك ییلدیز اولور
قوقوسی سینر تئنه	وارمه یزیدك یاننه
جان محمد علینک در	لعنت یزیدك تئنه
عالمه رحمت صاحبیلر	یزید مؤمنندن سنجیلر
کل محمد علینک در	اول بهارده آچیلر
قولاق ویرمه هیچ سسینه	وارمه یزید مجلسینه
سیف محمد علینک در	ساطیر یزید اگسه سینه
دیلنه کافی سویلر	خطائی خسته ایکیلر
نور محمد علینک در	طوپ اولمش اورته ده دوز



## پیر سلطان

حضرت شاهك آوازی  
 طورنه دیرلر بر قوشده در .  
 آقیشی نیل دریاسنده  
 خرقه سی بردرویشده در

نیل دریاسی عمان اولدی  
 صاراروب کل بکزم صولدی  
 باقیشی ارسلانده قالدی  
 دوکوشی دخی قوچده در .

علیم بیلمزدی بئلکی  
 دله طوتمازدی کینلکی  
 ذوالفقارک کسکینلکی  
 ذره جه سی قلیچده در .

اوزهن کرچک علیم اوزهن  
 وار کندینه بریار قازان  
 خیرینی شرینی یازان  
 صاغ یاننده فرشته در .

نرده پیر سلطائنم نرده ؟  
 اوزیمزک اصلی دارد  
 یمندن اوته بریرده  
 حالا دلد صاواشده در .





ترابی علی دده بابا

شاه مردانک قوللری  
علم لدن بلبللری  
حاجی بکتاشک کللری  
کمر بسته میان بسته

کل دسته در بکتاشیلر

هر سحر آچیلور میدان  
تا ازل عهدیله پیمان  
سوره رلر عین جم ارکان  
کمر بسته میان بسته

کل دسته در بکتاشیلر

الف او قورلر اوتورو  
یارادیلشی سوه رلر  
پازار ایدرلر کوتورو  
یارادان حقدن اوتورو

کل دسته در بکتاشیلر

سقا هم ربه هم دیرلر  
سر ایچون سردن کچرلر  
شراباً طهور ایچرلر  
کمر بسته میان بسته

کل دسته در بکتاشیلر

عشق اللهدر قبله کاهم  
کوکلمده در بیت اللهم  
وجه اللهدر سجده کاهم  
کمر بسته میان بسته

کل دسته در بکتاشیلر

ترابی نک سوزی حقدور  
کوکلمده غرضم یوقدر  
ایستر دیکله، ایسترباق دور  
کمر بسته میان بسته

کل دسته در بکتاشیلر



## ندیمی بابا

واللیل اذا یغشی بیوردی سبحان  
والنهار اذا تجلاسیدر .  
علی در اسراده ، اشیاده عیان  
بالجمله ارنلر مبتلا سیدر .

کن امریله خلق اولندی هراشیا  
موجود اولوب نفساً الاوسعها  
ظهور ایتدی بونجه روح انبیا  
آدم صفی الله ابتداسیدر .

عقل فکر ایرمن سر یزدانه  
بیوردی والعصر ان الانسان  
شریعت راهنی شاه سلطانه  
تودیع قیلدی ختم الانبیا سیدر

ندیمی کل کوزله باب رضایی  
محمد مصطفی مهر وفایی  
شیر خدا علی المرتضایی  
حقیقت بو خلقك مقتداسیدر





## اخى على بابا

ديلم قلم ، قلم دفتر يازارم

محبت قوقوسن دويالديبرى

ايلام ديه قان آغلايوب كزه دم

مجنون اولوب عشقه اويالديبرى

دوت كتابدن بزه خبر ويريلدي

كامل اولان عقل باشه ده ريلدي

ابليس امين مردود اولوب سورولدي

حقك بويروغندن دونه لديبرى

ايدنجه معراجي حضرت سلطان

نورلره غرق اولدي هپ جمله جهان

خدادن امتن ديله دي همان

سعادت تاجي كيه لديبرى

زاهد كل كنديكي آتمة شو دامه ؟

كرامت انسانده ، شكر مولامه

« ولقد كرمتنا بي آدم »

حق آنى رسوله ديه لديبرى

مخلصم اخیدر ، اسمم علی در  
 صانمه درونمه دنیا حالیدر  
 شکر قلم ایمان ایله طولیدر  
 کندی ا کسیکلکم ییله لدنبری



### پیر سلطان

هو دیه لم کرچکلرم دمنه  
 کرچکلرک دمی نوردن صاییلیر .  
 اماملرک قطارینه قاتیلان  
 محمد علی یه یاردن صاییلیر

اوج کون ایمش شو دنیانک صفاسی  
 صفا سندن آرتق ایمش جفا سی  
 کرچک ارنلرک نطق ، نفسی  
 بری قرقدیر ، قرقی بردن صاییلیر

اخلاص ایله کلن بو یولدن دونمز  
 دوست اولان دوستده ایکیلک کورمن  
 اری حق بیلمه یین ، حتی ده بیلمز  
 کوزی باقاراما ، کوردن صاییلیر



گرچک عاشق متزلزله طوریرسه  
چراغ کی یانوب یاغی اریرسه  
اکسیکاکن کندیسندمه کورورسه  
اوده اردر ، گرچک اردن صاییلیر .

پیر سلطانم ایدر بغداددر وطن  
ایکیلکدن کچوب بر لکه یتن  
ارنلر یولنه قال وقیل قاتان  
یولک دیکنیدر ، خاردن صاییلیر .



« حلمی ، محمد علی دده بابا »

زمره ناجیلرز بنده اولوب حیدره  
شیر جناب خدا صفشکن وصفدره  
هیبت لافتادن ارض وسما تیترده دی  
شدت ایله اورونجه پنجه در خیبره

دست ولایت ایله صالادی ذوالفقاری  
کسیدی یدی قات بری ضرب ایدیجک عنتره  
شاه ولایت علی ، جمله مزک سروری  
قنبری یز تا ازل قنبر اولان قنبره

قلب سلیمنده چون حب علی اولانلر  
ویردی حسین عشقنه باقادی جان و سره

حب ولایت ایله مست می عشق اولوب  
جنت عدن ایچنده طالب اولان کوثره

موت و حیات النده اول ولی مطلق  
مردهلر احیا ایدر قم دیجک مقبره

جنت و دوزخ آنک امرینه فرمانبری  
ایلیه تقسیم اودم حاکم اولوب محشره

تا که چیقار نسبت سلسله عهدیمز  
آل علیدن همین حضرت پیغمبره

مرشدیمز محمد رهبریمز در علی  
عاشق اولان جان ویریر مرشد ایله رهبره

ایکی جهاننده ابد قیغو چکرمی دخی  
سن که شفیع اوله سک حلمی کی کمتره



ادیب خرابی بابا

کاف و نون خطابی اظهار اولمهدن

بز بوکائناتک ابتداسی بز

کیمسهلر واصل دیدار اولمهدن

بز قاب قوسینک او ادناسی بز .



بوغیکن آدمله حوا عالمده  
 حق ایله حق ایدک سر مهمده  
 بر کیجه جک مهمان قالدق سریمده  
 حضرت عیسانک اوز باباسی یز

بزه پدر دیدی طفل مسیحا  
 ربی ارنی دیه چاغیردی موسا  
 لن ترانی دیهن بز ایدک اما  
 بز طور سیدنانک تجلاسی یز .

کنت کنز سرینک اولدق آگاهی  
 عین الیقین کوردک جمال اللهی  
 ای خواجه بزده در سر الهی  
 بز بکنتاش ولی نک فقراسی یز...

زاهدا شامز اما فتحنا  
 خرابی کمتری سر سری صانما  
 بر قیلی قرق یارار کاملز اما  
 پیر بلم سلطانک بدلاسی یز...



## قلندرى

## رضا توفيق بابا

خرابات اهلى بز ؛ بو بر عالمدر !  
 شوق ايله اونده دم سورنلردتيز .  
 حساب صورمه بزدن ، بز خيلى دمدر ،  
 دفتر اعمالى دورنلردتيز .

خون دل نوش ايتدك بزم صفاده .  
 ذوق جاودانى بولدى رضاده .  
 ايفاي عهد ايچون وقت بلاده  
 تير قهره كوكس كرنلردتيز .

بونفس خودكامى چكوبده داره ،  
 كوله رك سر ويردك اولو سرداره ...  
 بر غمزه اوغرىنه ديدار ياره  
 چالاه باشله كوكل ويرنلردتيز ..

درس آلوب چانانك فتان كوزندن ،  
 شعر مشق ايله دك شيرين سوزندن .  
 كيزليجه بر يولدن ، باطن يوزندن  
 كچه مقصوده ارنلردتيز .



نور عشق ایتنجه دل آگاهه  
 مرغ روحی صادق تا قربگاهه  
 بابا اوجاغیدر ! - بز او درگاهه -  
 دستور سز، پرواسز کیرنلردنز.

توجه قیلمادق باب نیازه !  
 عرفانله ایریشدک رتبه نازه !  
 آشنا چیقمشز شعبده بازه  
 پرده نك آردینی کورنلردنز.

عارفسهك کامللر اوکنده اکیل !  
 علمکله اوکونه ! سن کندییی بیل !  
 باغ معرفتده بز - بر کل دکل -  
 دسته دسته چیچک دیرنلردنز .

هی رضا ! عارفز ، درویشهادز !  
 علائق قیدندن چوزولدک ، شادز  
 مست لایعقلز ، غمدن آزادز  
 پوستی میخانیه سرنلردنز .



## پیر سلطان

ارنلرک ارکاننه یولنه  
 تا ازلدن عاشق اولدم ارنلر  
 جان ایله کولکلدن طوردم دوشوندم  
 بوکون مرشدیمی بولدم ارنلر

جان ایله کولکلدن کزدم، آرادم  
 حقک دیدارینی کورمک مرادم .  
 دیدار ایله محبتدر طلبم  
 بوکون یارین دیه اولدم ارنلر

کچمشم سرمدن قورقام تولومدن  
 منکر بیلمز اولیانک سرندن  
 یزید اوغلی برخارجی الندن  
 چوق زمان دیداردن قالدیم ارنلر

سن حق یابانده آرامه صاقین  
 قلبی پاک ایله حق سکا یاقین  
 آدمه حور باقه کوزیکی صاقین  
 جمله سن آدمده بولدم ارنلر



پیر سلطانم عرض ایده‌یم حالمی  
 صرف ایده‌یم الله اولان مالمی ،  
 سورونوب یرلره سورهم یوزیمی  
 مروت ! قیوکه کلدیم ارنلر




## مرآتیی بابا

آمنای سویله‌دک اقرار ایله‌دک  
 ارنلر بزمنه لاشکجه‌سنه ...  
 باغ حقیقتده یتشدک ، یتدک  
 بوی آلدق هرکلدن چیچکجه‌سنه

سویله‌سهم معنائن صیغماز تقریره ،  
 اسرار نقطه‌من کلمز تفسیره ،  
 ایمان ایتدک ، اقرار ویردک برپیره  
 ار اولدق ار ایله کرچکجه‌سنه

وجود مطلقدر هریرده عیان  
 کورلر ظن ایدرلر دیداری نهان ،  
 الحق اظهر من الشمس ایکن  
 صوفی عناد ایدر اشکجه‌سنه

صراقتی سوزلرم جانلی معما  
عارف اولانلره اولور هویدا  
السرز ، بلسرز ، دیلسرز اما  
کزه رز عالمده ارککجه سینه



### حسن زده

اشرف اوغلی ! آل خبری  
بغچه بز ، کل بزده در .  
بزده مولانک قولی یز .  
یتیمش ایکی دیل بزده در .

ارلکمی در اری یور مق ؟  
ایراق یولدن خبر صور مق  
جنتده کی اول درت ایرماق  
حوشغون آقان سیل بزده در .

آدم واردر جسمی سمیز ،  
آبدست آلیر اولماز تمیز  
خالقی دخل ایلمک نه من  
بالجمله وبال بزده در .



آری واردر اوچوب کزهر  
 تی تندن سچوب کزهر ،  
 جانان بزدن قاچوب کزهر ..  
 آری بز ، بال بزدهدر .

کیمی صوفی ، کیمی حاجی  
 جمله من حقہ دعاچی  
 رسول اکرمک تاجی ،  
 عبا ، خرقه ، شال بزدهدر .

بزارنلر کرچکی یز ،  
 خاص باغچه نک چیچکی یز  
 حاجی بکتابش کوچکی یز  
 ادب ارکان یول بزدهدر .

قولدر حسن ددهم قولدر  
 معنایی سویله یز دیلدر  
 الف حقہ دوغری و یولدر  
 جیم آراسهک دال بزدهدر .



## ابراهیم ادهم بابا

بز الست بزمنده دیمشدك بلی  
 امر وفرمان ایتدی اول رب جلی  
 اذکاریمز اولسون کوندوز کیجه لی  
 آمان یا محمد ! مدد یا علی !

اون ایکی امامك قوی قوربانی  
 یوللرینه فدا ایلرز جانی  
 « الالموده » حقك فرمانی  
 آمان یا محمد ! مدد یا علی

عارف اولان جانلر تفسفی بیلور  
 وارلغنی ترك ایدوب هب حقه واریر  
 محمد نورندن دیداری کورور  
 آمان یا محمد ! مدد یا علی !

نه اولور چوق ایسه جرم ایله کنه  
 « لاتقنطوا » امرین او قورز هرگاه  
 محروم اولمام حاشا سز سکز پناه  
 آمان یا محمد ! مدد یا علی



ابراهیم ادهمک کندیزی حیران  
 حقیقت شهرنده بولور آرایان ...  
 محمد یوزندن کورونور جانان  
 آمان یا محمد ! مدد یا علی ؟



### مخمس

حضرت سلامی

کاربان جند عشقک راه حقدہ باشیوز  
 دست چیدردن شراب کوثرک عیاشیوز  
 شاه عشقز ، درکه آل عبا فراشیوز

بزکروه سلطان دهرز ، زمره بکتاشیوز  
 لامکان اقلیمنه هنرم ایدهنک یولداشیوز .

فارغز دنیا و مافیهایه رغبت ایتمدن ،  
 کچمشز خوف ورجادن دهره منت ایتمدن  
 کونی سیراندر غرض هنرم سیاحت ایتمدن

بزکروه سلطان عشقز ، زمره بکتاشیوز  
 لامکان اقلیمنه هنرم ایدهنک یولداشیوز .

کوهرکان رموز علم الاسما بز ؛  
 طورده نور تجلی بی بولان موسا بز ؛  
 مرده جانہ نفخہ روح ایلین عیسا بز ؛  
 بز کروہ سلطان دهرز ، زمرہ بکتاشیوز  
 لامکان اقلیمہ عنم ایدہ نک یولداشیوز .  
 مست اولوب جام ازادن تار قیلدق هوشمز ،  
 دیدہ من حق کورور ، حق ایشیدیر کوشمز ؛  
 کوشمزده جمله عالم خلقہ منکوشمز  
 بز کروہ سلطان دهرز ، زمرہ بکتاشیوز  
 لامکان اقلیمہ عنم ایدہ نک یولداشیوز .  
 ای سلامی برنظرله خنطه بی احجار ایدن ،  
 منکره دعوای حق طاش ایله اخبار ایدن  
 عنم راهه همتیله مرکبن دیوار ایدن .  
 بز کروہ سلطان دهرز ، زمرہ بکتاشیوز  
 لامکان اقلیمہ عنم ایدہ نک یولداشیوز .



اوغلان شیخ ابراهیم آقسرائی

انسان ایچنده ایسته	هر کوهرک کاتی
فرقان ایچنده ایسته	بورمنک بیاتی



کل آدمه اول همدم	دم بودمدر دم بودم
عرفان ایچنده ایسته	نیدیکن اسم اعظم
صال اوزینی بوبحره	طالب ایسهك کوهره
عمان ایچنده ایسته	در کرانمایه پی
دوشده آلدانوب قالمه	آق قاره کوردن دیو
عیان ایچنده ایسته	کمانی قو نورینی
جانلرك جانانی	دل تحتك خانی
میدان ایچنده ایسته	سمادت چوکاتی
بوعقلله بیلمزسك	درویش سن بوسوزلری
اذعان ایچنده ایسته	(ابراهیم) ك رمزینی



### حجابی

بر ار آراردن حالداشدن اولسون  
 حق یوله کیرمش قرداشدن اولسون  
 اینجیتمه سین اول ، اینجیتمه سین اول  
 طاتلی دیل اولمش بر آشدن اولسون  
 حالی براولسون قالی براولسون  
 اسراره واقف سرداشدن اولسون  
 هر ساده دلی آله طریقه  
 هر رنکی کورمش نقاشدن اولسون

درگاه حقدہ خدمتد. اولوب  
 سپورکه اورمش فرآشدن اولسون  
 ایرماق وکولدن کچسین حجابی  
 ایچدیکی کوثر تا باشدن اولسون . . . .



### ترابی علی بابا

ارنلر سروری کرچکار پیری  
 خنکار حاجی بگتاش ارلری یز بز .  
 بلم سلطان ، ابدال موسی شاهمز  
 سید علی سلطان کلری یز بز .

قیغوسز سلطاندر بر سرداریمز .  
 قاره طونلی جاندر تربہ داریمز  
 قنبر علی سلطان شہسواریمز  
 نجف دریاسنک کوهری یز بز .

صاری اسماعیل ، حاجم سلطان اولومز ؛  
 شاه خراسانه چیقار یولیمز  
 محمد علیدن قوقار کلز  
 اون ایکی طریقک سروری یز بز .



تراپی اوچلرک بریسی اولدی  
 یدیلرله ، قرقلر مجلسه کولدی ،  
 خراسان ارلری عزم ایدوب کلدی  
 محمد علی نك قوللری یز یز .



( حلمی ) محمد علی دده بابا

حقیقت جمعه واصل اولانلر  
 تولا سرینه بلی دیدیلر .  
 حقی عین الیقین بونده کورنلر  
 اهل بیته نور جلی دیدیلر .  
 جمله اولیانك اولدی سروری ،  
 یدنده کوستروب نور احضری  
 خراسان پیرلری روم ارلری  
 خنکار حاجی بگتاش ولی دیدیلر  
 مرشیدك پندینی جان ایله طویوب  
 محمد علی نك دامنك طوتوب  
 « یدالله فوق ایدیهم » دیوب  
 الاله ، الحقك الی دیدیلر .

اقرار ویردم حلمی دونم ابدی  
 قلبمده اویاندی نور احمدی  
 اوز جانمده بولدم حی صمدی  
 کوردیکم دیداره علی دیدیلر



### دردلی بابا

بر آرایه کلسه اوچ بش عاشقلر  
 آنلر بربر یله میدان ایدرلر  
 دونمز اقرارندن قلبی صادق  
 محبت سرینی پنهان ایدرلر

اولهیم آنلرک دارینه بردار  
 اولشم اول دارک منصوری ای یار !  
 اون ایکی قیونم ، اون درت قوزم وار  
 کوکل یایلاسنده جولان ایدرلر

دردلی بوسودایه دوشه لدنبری  
 گاهی کیری کیدر ، گاهی ایلری  
 چاغرسهک منکری گلز ایچری  
 محبت بزمنه بهتان ایدرلر .





## رضا توفيق بابا

كل درویش ! برى كل ، يابانه كېتمە ،  
 ھەنە آرايۇرسەك اينان ، سەندەدر ...  
 نەفسكە بېھودە اذیت ایتە !  
 كەبەيسە مقصودك رحمان سەندەدر .

چوللار دە دولاشوب سىراپە باقمە !  
 اللە اللە ! دىوب سىحابە باقمە !  
 طالب حق ايسەك كىتابە باقمە !  
 او قومق بىلىرسەك قران سەندەدر ...

علمكە برقىلى قرقە يارارسك ؟  
 اطرافكە باقوب كىمى آراسك  
 كوردىكك رۇيادە سادە سىن وارسك  
 بوئەى قەبىي قوران سەندەدر ...

قىلى قرق يارمەيە عرفاندەر دىمە !  
 اوكا ئىخشى ، بىكا ياماندەر دىمە  
 شوكا كىرچك ، بوكا يالاندەر دىمە  
 برىنك اصلى يوق ، يالان سەندەدر .

## بگتاشی نفسلری

آیری مغنا ویرمه کفر ایله دینه ،  
 واروب کله شاشقین شک و یقینه ؛  
 عازفسهك آگاه اول سر مبینه  
 وسوسهك کفر در ، ایمان سنده در .

کیر کوکل شهرینه ، دولاش بر کره ،  
 قیاس ایت نه ایمش کونشله ذره ،  
 یالکیز سن قادرسك خیر ایله شره  
 شره مائل ایسهك شیطان سنده در .

جلوه ایتسون دیرسهك کمالیله حق  
 چیقوب بیدلکدن برکندیکه باق !  
 اناالحق سوزینی دیلکدن براق ،  
 لافه قولاق ویرمه ، عرفان سنده در .

نفسکی اولا چیقار ارادن  
 بر رنکه بویانمه آقدن قارادن  
 کوکلده برق اورور نوری یارادان  
 ظلمتده دولاشمه ، یزدان سنده در .

ایشیتدم باباسز بر اوغولمشسك ؛  
 هم جنتده دوغمش ، هم قوغولمشسك ،  
 هم کثرت ایسته مش هم بوغولمشسك  
 اللهم صوچی نه ؟ عصیان سنده در .



غیریدن آرایوب دردیکه چاره  
نه وارلق ویریرسک مور ایله ماره ؟  
جنتدن چیقدکسه بهی آواره !  
حوایی آلداتان ییلان سنده در .

شانک پک عالیدر نه وار پست ایسهک !  
هر شیده طاپارسک بت پرست ایسهک ؛  
باده عشق ایله اکر مست ایسهک  
کندیکه کل عاشق ، جامان سنده در .

جاهل مظاهره حق دیه باقار  
هر گوشه باشنده برقندیل یاقار  
بوسیل حوادث طورمایوب آقار  
الی الابد باقی قالان سنده در .

منبعی سنده در فیض حیاتک ،  
کلوب کیدن جانلر هپ نفخاتک !  
حیرتده بو غولمه ؛ بو کاشاتک  
هپسی برقطره در ، عمان سنده در .

هر شیتک وارلنی سنک اوز کدر  
کندیکی چوق کورن کندی کوز کدر  
بو ملکه حکم ایدن سنک سوز کدر  
قالیک کرسیدر سلطان سنده در

بکنتاشی نفسلری

هی رضا طاقت یوق حتی انکاره  
سن محرم ایمش سک دیدار یاره  
شیمدی آگاه اولدم سر اسراره  
عالمی یارادان وجدان سنده در



لمعی بابا

جان فدای جانم شها ،  
دردمند عریان بنم .

عاشق انوار حقم  
هم چاکر ذات حقم  
ناظم اشعار حقم  
شوریده الحان بنم

دوست دیه عیار آرامام  
مجلسده اغیار آرامام  
سندن اوز که یار آرامام  
هر امریکه قربان بنم

جانانک فرمانبری یم  
منکوشلی برکتری یم



بکناشی نفسلری

دردی ایله سرسری یم

مبتلای هجران یم

لمعیا ! فریاد یتیشیر

البته برداد یتیشیر .

مولادن امداد یتیشیر

بیداد و ناتوان یم



ولی بابا

بر اولو شهرده دلاللغم وار

بن دالم بازار باشم علیدر .

آرتق آلوب ، اکیک صائسه مینه کار

بن دالم ، بازار باشم علیدر .

مراده ویرمشم شیرین جانمی ،

قارومار ایلوب خانمانمی

لعل و کوهری می ، در ، صر جانمی

بن دالم ، بازار باشم علیدر .

المده کی سرمایہ مدر علیمدن

بر مانغراق مالم یوقدر مالمدن

## بکتابی نفسلری

بيك حزينه مال دور اولدى اليمدن  
بن دلالم ، بازار باشم علیدر .

بو رضا مالیدر آلوب صاندیغم  
اوچلر ، بشلر ، قرقلر بازار ایتدیکم  
امام جعفر دکانیدر طوتدیغم  
بن دلالم ، بازار باشم علیدر .

هند ، یمک مالی دکل صاچه‌م  
بو رضا مالیدر ، کسوب بیچه‌م  
هر نادانه دکانی آچه‌م  
بن دلالم ، بازار باشم علیدر .

لدن دیرلر بو شهرک آدینه  
طویه‌مدم لذتنه ، طادینه  
متاعمی قویدم حقک قاننه  
بن دلالم ، بازار باشم علیدر

ولی دده دیرکه : حقله بازارم  
دلال اولدم شو عالمی کزهرم  
قدرت ایله دکانی بزه‌رم  
بن دلالم بازار باشم علیدر .





## پریشان بابا

عشقك قطارنده مرد مجرد  
 بز بو دهرک هم بای ، هم کداسیوز .  
 اقدامدن اقدامز حتی مؤید ؟  
 هم بز بو عالمک انتهایسیوز .

چراغ شمعہ من ویرمکده شعله  
 میدان هنرده کیردک اصوله ؟  
 تولا من جدی ، ذات رسوله ؟  
 ارواح یزیدک تبراسیوز .

پریشان ارنلر یولنی ایزلەر  
 سر ویریر ، سرینی سینهدہ کیزلەر  
 هر کیملرکه سؤال ایدرسه : بزلر  
 خنکار حاجی بکتاش فقراسیوز .



## ادیب خرابی بابا

حضرت ستاری بیلیر	حق یولنه دوغرو کیدن
احمد مختاری بیلیر	مرشدینه بیعت ایدن
ترك ایده بیلدی شربی	تسلیم ایدنلر سرینی
حیدر کراری بیلیر .	کیمکه بیلور رهبرینی
قباهه دیداره اینان	دورمه بو غفلتدن اوپان
دامن خنکاری بیلیر .	مرشد اتکنی طوقان
بیلمز ایسهک ائمه نیاز	سوزلریمی دیکله بر آاز
قباهه دیواری بیلیر .	زاهد اکر قیلسه نماز
وار بونک البت هجهسی	آکلامادی بر نیجهسی
کوردیکی دیداری بیلیر .	بر کشی معراج کیجهسی
عبرت ایله باق یوزینه	حق دیهر کدن اوزینه
ویردیکی اقراری بیلیر	ثابت اولانلر سوزینه
بنده پیغمبر ایسه	یولجه بر آدم ار ایسه
دار ایله برداری بیلیر .	کندیسنه حق دیر ایسه
حکم ایده بیلسه اله	آمر اولوب ده دیلنه
صاردیغی زناری بیلیر .	دوغرو اولانلر بلنه
دیمه فلان ابن فلان	نطق خرابی یه اینان
ایشته بو اسراری بیلیر .	حق بیلوب عارف اولان





## جمالی بابا

محمدله علی بر نوردن کلدی  
جمال آدمده پرتولر صالدى  
جمله کائناتی ضیادار قیلدی  
کمال ذات الله بیانه کلدی .

صورت آدمده ظاهر اولدی حق  
سفی سنده همان بولمقدر آنجق  
کندین بیان بیلیر خدایى مطلق  
آشکار ایتمه که جهان کلدی .

حق موجود اولنجه ، ماسوا مفقود  
بونى بیلیر آنجق ارباب شهود  
نه بیلسون بو شری گروه عنود  
اهل بصیرته عیانه کلدی

دیدى من رائى فقد رأى الحق  
کلام رسولدن آلا نلر سبق  
رضینى فهم ایدن اولدیلر الیق  
مظهر تام اولوب انسانه کلدی .

وجهنده یازیلش معنای قرآن  
 آشنا اولانلر اوقور این و آن  
 آدمک شرحی ایدر هر زمان  
 اوهامده قالانلر گانه کلدی

کروه ناجیدن اولان ارنلر  
 خاندان مصطفی بی سوه نلر ،  
 دیلنده ذ کرینی دائم ایدنلر  
 ورطه هلاکدن امانه کلدی

اماملرک قطارینه قاتیلان ،  
 عرفان بازارنده واری صاتیلان ،  
 دوست دیدارینه چشمی آجیلان  
 اهل اقرار اولوب ایمانه کلدی

کیم که بر سر شدک ألن طوتمادی  
 اهل بیته البت ملحق اولمادی  
 آدمیت منزلی بولمادی  
 بو عالم ایچنده حیوانه کلدی .

صاقینوب آلدانمه دنیا وارینه  
 فرصت الده ایکن قویمه یارینه  
 وجودینی یاقان عشقک فارینه  
 جانلره طور اولوب جامانه کلدی



آدمك وجهى آ كلاتمق ايجون  
 ثم وجه اللهى بيلدير مك ايجون  
 صلوات وحدتى قيلدير مق ايجون  
 جمالى بو دنده برهانه كلدى .



### اوغلان شيخ ابراهيم اقسرايى

دوبدوزدر آ كلار ايسهك	حقك فيضى بو عالمه
بر يوزدر آ كلار ايسهك	بو كورونن موجودات
دورت كتابك اينديكى	انديانك كلديكى
بر سوزدر آ كلار ايسهك	هر لسانك ديديكى
آينه دوشمش عالم	حق يوزنى كورمه
بر توزدر آ كلار ايسهك	عالم بو آينهده
بوزيلور بو دوزيلان	عارفه بو سوز عيان
بر اوزدر آ كلار ايسهك	دوستله باقى قالان
آدم كيدير بيلمكه	ابراهيمك يوزندن
رموزدر آ كلار ايسهك	بو معما بر اوزكه



## توفیق بابا

ارواح ازله جمال یاری  
 کورن کلسون ، کورمیانلر کلسون  
 « نفخت من روحی » سر اسراری  
 دویان کلسون ، دویمیانلر کلسون

آل مصطفی نك خاك راهنده ،  
 سر مرتضی نك خوش پناهنده  
 ارنلر پوستنی حق درگاهنده  
 سرن کلسون ، سرمیه نلر کلسون ...

حقیقت کعبه سن بنیاد ایله یین  
 بونجه مرشدلری ارشاد ایله یین  
 سعادت بابی کشاد ایله یین  
 کیرن کلسون ، کیرمه یینلر کلسون ...

کدا توفیق طوردی دار دیوانه  
 اقرار ایمانمز شاه مرزانه  
 منصور اولوب ویردم جانی جانانه  
 ویرن کلسون ، ویرمه یینلر کلسون





## بوسنوی بابا

مقام وحدتده دوشدم یابانه  
 دیکنلی یوللری کچدمده کلام  
 عارفم ، اسراری آچام نادانه  
 عرفان سرلرینی آچدمده کلام

مؤمن ایسه ک دیکله ای قلب سلیم !  
 جانمی مرشده ایلدم تسلیم  
 گروه ناجی یه اولنجه ندیم  
 دیدار رسولی کوردومده کلام

بوسنوی یم سوزم کندی اوزمدن ،  
 مرید اولان چیقماز مرشد سوزندن  
 بو علمی اوقودم کوکل یوزندن  
 قرق ییلاق نمازی قیلدمده کلام



## پیر سلطان

دردم چوقدر ، قنغیسنه یانایم  
 ینه تازهلندی یورک یارهسی .  
 بن بو درده قنده درمان بولهیم  
 مکر شاه الندن اوله چارهسی .  
 درلو طونلر کیر کلدن نازکدر ،  
 بلبل جور ایله کله یازقدر .  
 جوق غریبتلر چکدم ، باغرم ازیگدر .  
 کوله کوله کلیر جانلر یارهسی .

بنم اوزون بویلی سرو رفتارم  
 یوره کیمه بر اود دوشدی یانارم  
 قبلهم سنسک ؛ یوزم سکا دونرم  
 محرابمدر قاشلرینک آرهسی .

دیزار ایله محبته دویولمز ،  
 محبتدن قاچان انسان صاییلماز  
 منکرلر بیک کره پوف دیسه سونمز  
 طوتوشنجه یانار عشقک چیراسی

پیر سلطانم قی یوکسک اوچارسک  
سلامتیز، صباحسز کلوب کچرسک .  
عشق و محبتدن نیچون قاچارسک .  
بویله میدر یولکیزک توره سی ؟



### پریشان بابا

صبح و شام ای کوکل چکلم کلبنک  
خیرلر فتح اولسون، شرلر دفع اولسون !  
هرنه ایستر ایسهک مولادن ایسته  
خیرلر فتح اولسون، شرلر دفع اولسون ...

صبح سحرنده دوروب دعایه  
ال قالدیروب چویر یوزک سمایه  
کوز یاشنی دوکوب یالوار خدایه  
خیرلر فتح اولسون، شرلر دفع اولسون ...

بیگ بر اسمک بری قاضی الحاجات  
آندن حاصل اولور جمله مرادات  
یره یوزلر سوروب ایله مناجات  
خیرلر فتح اولسون، شرلر دفع اولسون .



عاقلمسك عالمده اویمه قلاشه  
 بیهوده یرلرده دوشمه صاواشه  
 وار ترابه یوز سور حاجی بگتاشه  
 خیرلر فتح اولسون ، شرلر دفع اولسون ...

پریشان فتح ایله خیره دهانك  
 داتم حتی ذکر ایلسون زبانك  
 اشیکنه باش قوی بالم سلطانك  
 خیرلر فتح اولسون ، شرلر دفع اولسون ...



### ترابی علی دده بابا

درد و غمك کوهرینی بولمغه  
 قساوت بحرینه دالدق باقالم  
 امیدیمز وارددر خلاص اولمغه  
 کرداب محنتده قالدق باقالم

تقدیره باغلانوب دیمشز بلی  
 اراده جزؤدن چکدك بزالی  
 دومی شکسته کشتی دلی  
 نهایت انکینه صالدق باقالم

بر گروهه بنده هم سرداش اولدق  
 گاهی پست و کدا ، گاهی باش اولدق  
 خرابات اهلنه آياقداش اولدق  
 ملامت طبلنی چالاق باقالم .

ترابی چاك ایتدم عالمده اوزم  
 ختم ایلدم بونده انجام سوزم ؛  
 بزم ارئلردن هی اییی کوزم  
 مخفیجه تسلی آلدق باقالم



### شاهی بابا

قربانلر تیغلانوب کلبانك چکیلدی  
 غفلت اویقوسندن اویانه کلدیم  
 درت قپو سنجاغی آنده دیکیلدی  
 جان باش فدا ایدوب قربانه کلدیم

اول اشیکینه قویدیم باشمی  
 آلدیلر ایچری دوکدم یاشمی  
 ارئلر یولنده کور صاواشمی  
 هر یان پریان اولوب میدانه کلدیم

## بگتاشی نفسلری

اول دمدہ اویاندی باطن چراغی  
 رهبرم بوینمه بند ایتدی باغی  
 درت آدیم ایلرو آتدم آیاغی  
 قویج قوربان دیدیلر ؛ اینانه کلدیم .

درت قپودن سلام ویروب آلدیلر  
 پیرم حضورینه یدوب کلدیلر  
 ال اله ال حقه اولسون دیدیلر  
 هنوز معصوم اولوب میدانه کلدیم .

پیرم قولاغمه ایلدی تلقین  
 شاه ولایت اولشم یقین  
 مذهبیم جعفر الصادق المتین  
 الله دوست ایوالله پیرانه کلدیم

یوزم یرده اوزم داردہ دورمشم  
 محمد علی به اقرار ویرمشم  
 سقاہم شربتن آنده کورمشم  
 ایچوب قانہ قانہ مستانہ کلدیم

یولمز اون ایکی امامہ چیقار .  
 مرشدم محمد احمد مختار  
 رهبرم علیدر صاحب ذوالفقار  
 قولکدر شاهیا دیوانہ کلدیم





بگناشی نفسلری

پیر سلطان

مولام چون یاراتدی محمد نورن  
انسان اولان کلیر ، نوره چوریلیر .  
بویله چرخ قورولمش دایم دونمده  
منصور اولان کلیر داره چوریلیر .

یاشلی صولر داغک اتکینه آقار  
پروانه لر: کندن اودلره یاقار  
سرچه قنده ایسه اصلنه چکر  
بلبل اولان کلیر ، کوله چوریلیر .

گمانلی کوکلده نورمی اکلنیر  
جنت خارچنده حورمی اکلنیر  
بالسز شیشه لرده بالمی اکلنیر  
آری اولان کلیر باله چوریلیر .

پیر سلطان آبدالم یاتیر خسته در  
النده کلری دسته دسته در  
آدم اوغلی برعجاب نسنه در  
محبته طاتلی دیله چوریلیر .



## قیغوسز سلطان

اولیایه اگری باقه کون و مکان النده در ،  
 ملکه حکمی ویرن اولدر ایی جهان النده در .  
 سن آنی شویله سانورسک سنجلین بر آدمدر  
 اولیانک سری وارددر ؛ کیزلی عیان النده در .  
 حق بونده کتوردی آنی قولارینی ارشاد ایچون  
 ایستهینه ایمان ویریر قهر واحسان النده در .  
 حق ذاتیله صفاتیله تجلی ایلدی اوکا  
 وارانی حق وارلغیدر امر سبحان النده در .  
 قیغوسز آبدال بوسری او قودم ، آ کلادم ، بیلدم  
 شیمدی بوعالمک حکمی کامل انسان النده در .



## پیر سلطان

کوزل عاشق ! جوریمزی	چکه منرسک دیمدمی ؟
بویر رضا لقمه سیدر	یه منرسک دیمدمی ؟
بییه ینلر قالور ناچار	کوزلرندن قانلر صاچار
بویردمدر کلیر کچر	طویه مازسک دیمدمی ؟

باق شو عاشقك حاله  
جان و باشی حق یولنه  
عاشقلر خرابات اولور  
محبت بالدن طاتلودر  
نه کلسه سویلر دلنه  
قویه مازسك دیمدمی ؟  
حق یاننده حرمت بولور  
دویا مازسك دیمدمی ؟

کیره لم علی سرینه  
کفریمز ایمان یرینه  
پیر سلطان ؛ علی شاهمز  
اون ایکی امام پناهمز  
چیقه لم میدان یرینه  
صایا مازسك دیمدمی ؟  
حقه اولاشور راهمز  
اویا مازسك دیمدمی ؟



### درویش روح الله

وحدت باده سیله مستر ازلدن  
الست قد خندن طاتانلردتزر...  
نور آلیر چشممز هر بر کوزلدن  
آری یز ، باله بال قاتانلردتزر .

او یله بر دیداره مبتلا یز که  
تکدر ، بو عالمده یو قدر شریکی ...  
بزی خراب ایتدی چشم شبرنگی  
جنون کردابنه باتانلردتزر ...



## بکتابی نفسلری

خرابات ملکینک سلطانی اولدق ،  
 ملامت افقنک قابانی اولدق .  
 اوپله بر دیدارک حیرانی اولدق  
 عریان اشیکنده یاتانلردنر .

کورمشز منصورک قانلی دارین ،  
 آکلادق او دارک حق اسرارینی...  
 دنیانک ، عقبانک بوتون وارینی ،  
 بر چوروک آقچه یه ساتانلردنر .

هی روحی عشق اولسون بو عرفانکه !  
 نشئه لر یاغدیدرک جم میداننه  
 منکر خارجینک پاسلی جاننه  
 قنطارلی کوتوکلر آتانلردنر



## مصطفی عجزی بابا

همت ارنلرک ، عنایت حقک ؛  
 ارنلر خدادن آلیرده ویریر  
 اصلی بر عماندر آزايله چوقک  
 قطره لر دریادن آلیرده ویریر .

مرأت تشبیهده تنزیهدر آتی،  
 اوقو (من رآنی) شاد ایله جانی .  
 تجرید و تفریده ایر کوردن شانی  
 نشئه اولادن آلیرده ویریر .

کرچک ارئلرک نفسی نوردر ؛  
 قدی شجر ، کوکلی جبل طوردر .  
 تجلی نورینی کورمهین کورددر :  
 خبری موسادن آلیرده ویریر .

بیانلر نفسی انساندر ای جان!  
 عجزیا ! بیلمهین معناده حیوان ،  
 حقک ولیلری سلطاندر اینان  
 کنز لایقنادن آلیرده ویریر .



### رضا توفیق بابا

بکا سؤال صورمه ، جواب مشکدر  
 بن سکا هر سری آچامام خواجهم !  
 حقک خزینهسی داری دکدر  
 جامع اولوسنده صاچامام خواجهم !

قید آخرتله دوشمم محنته  
 بن بورده مأمورم شیمدی خدمته ،  
 حیوان اوتلاتیرکن گیدوب جنته  
 سکا حله طونی بیچهم خواجهم

معراجی آ کلاتمه اشک دکل ؛  
 بیلدیکک قدرده ملک دکل .  
 کنهکار آدم اوردک دکل  
 بو آغیر کوکده یله اوچامام خواجهم !

خلقه قورقو ولوله صالوب  
 دنیا و آخرت بو کهنه قالب .  
 بن صوفته دکل ، جبه می آتوب  
 عمارت عمارت کوچهم خواجهم !

اولومدن اورکرمی تیز اولان کیمسه  
 چوقدن مظهر اولدم بن حق نفسه ،  
 بودمی سوره رکن اجل کلیرسه  
 ایشیمی براقوب قاچامام خواجهم !

شرابی منع ایتمه ، او دکل هنر !  
 عاشقم باده سز پک باشم دونر !  
 کوکلمده محبت آتشی سونر !  
 عذرم وار ساده صو ایچهم خواجهم !



بکتناشی نفسلری

نار جهنمی اوکمه سورمه  
کناهمی صایوب قیغولر ویرمه.  
کنابدہ یرینی بکا کوسترمه ،  
بن پک او یازی پی سچہم خواجهم !

فیلسوف رضایم ! دینسز آ کلامه !  
دینی بن او کرہ تدم کندی بابامه ؛  
هرایپده اوینادم ، جانبازم اما  
صراط کوپروسی کچہم خواجهم !



### مصطفیٰ عجزی بابا

حقک جلوہ لری کوندن عیاندنر  
انواری کورمه یین پوره نه دیرسک ؟  
عذابدر ظاہری ، باطن جناندنر  
زاهد ! بر زخ اولان سوره نه دیرسک ؟

خدانک ایشندن نسنه صورولماز ؛  
سر قدر ایچون عارف یورولماز .  
سطوتنه قارشى آنک دورولماز  
پاره ، پاره اولان طورہ نه دیرسک ؟

حق سوزی دیکله مک روحه غدادر،  
 کشی نفسن کورمک بویوک خطادر .  
 عجزی یم ، عاجزم ، قادر خدادر .  
 فیلی ییہن ضعیف موره نه دیرسک ؟



### صنع الله غیبی بابا

کوکل کیتدی الیمدن  
 اله کیره سی دکل  
 خلاق ایله بر اولدی  
 آرتق ثوله سی دکل...

اول بر ایله بر اولان  
 جمله عالمه دولان  
 بویله سلطانلق قیلان  
 قوللق قیله سی دکل

ایریشمه یین وحدته  
 وحدتده کی لذته  
 کیررسده جنته  
 لذت بوله سی دکل

بکتابی نفسلری

دوست ایلنه کیرمه‌ین،  
 وارین دوسته ویزمه‌ین  
 حتی بونده کورمه‌ین  
 یارین کوره‌سی دکل ...

ایکیلیکی سیلمه‌ین ،  
 حتی بونده بولیان ؛  
 غیبی کندین بیلمه‌ین  
 ربن بیله‌سی دکل



درویش روح‌الله

چیقیلماز بنلکه عرش دیداره  
 واریگی یوغی یاق‌ده کل ، درویش !  
 انا الحق اوغرنده چکیلوب داره  
 منصورک جامنی چاق‌ده کل ، درویش !

ارنلر باغندن قوقو آل ! قوقو !  
 عارف اول کتاب السق اوقو !  
 معنا دستکاهنده دیبالر دوقو  
 حله‌نی صیرتکه طاق‌ده کل درویش !



مرشده تسلیم اول موئالر کی ،  
 سکوت ایله ، کورمه اعمالر کی ..  
 لکن زماننده دریالر کی  
 جوشوب چاغلایهرق آقده کل درویش!

چیقماسین سقاھم رمزی دیندن ؛  
 مرشدینی حق بیل، چیقمه یولندن  
 قوقو آله جقسهك معنا کلندن  
 روحی نك قلبنه باقده کل درویش



### سرسم علی بابا

ارزولایوب کلام دور آدمدن  
 ای گروه ناجی سزه عشق اولسون ...  
 نصیحتی بویله آلام ددهمدن  
 ای گروه ناجی سزه عشق اولسون

سزلرده در کوزل شاهک یوللری  
 مدح حیدر اوقور داتم دیللری  
 سحرده آچیلور غنجه کللری  
 ای گروه ناجی سزه عشق اولسون .

کیمسه بیلمز کیمدر بزم اولو هنر  
آ کلایه من یزید قسمی دیلمز  
هرد علی به چیقار یولمز  
ای گروه ناجی سزه عشق اولسون

ناجی کروهینک پارلایور ماهی  
ناجیلر اولمشدر سرك آ کاهی  
نوحك کیمسه بیدنك بز دخی  
ای گروه ناجی سزه عشق اولسون

طالب اولوب اقرار ویرن کشیمز  
خیره تبدیل اولور هر بر ایشیمز  
ملک نشانیدر هر کیدیشمز  
ای گروه ناجی سزه عشق اولسون

واردم خبر سورام غریب بلبله  
قوقوسی سویلر هر دم بوکله  
« سرسم » ک نیازی همان بویوله  
ای گروه ناجی سزه عشق اولسون ...



## پير سلطان

الفدر طقسان بيك كلامك باشى  
 وار حقه شكر ايله ، (ب) يى نىلرسك ؟ ...  
 وجودك شهرىنى پاك ايله نيجه  
 يوزىنى يومغه صويى نىلرسك ؟

وجودك شهرىنى ويرمه آرايه ،  
 خاطر ييقوب كوچ ايله سرايه  
 وار برعمل قازان ، حقه يارايه  
 حقه ياراميان خويى نىلرسك ؟

ابليس بىلك ايدوب دركاهدن آزدى  
 عاشق معشوقنى آرايوب كزدى  
 ايكي جهان فخرى براوزوم آزدى  
 خمارى چوق اولان مې نىلرسك ...

صورديلركيم بغداد شهرى نرده در ؟  
 ديديلركه : لعل و كوهر آنده در ؟  
 كورديلركيم عين اليقين : جمده در .  
 حقيقت اولمايان كويى نىلرسك ؟



## بگتاشی نفسلری

پیر سلطانم دیو او قور یازارم  
 تراب اولوب آیاقلرده کزهرم  
 دست پیردن ایچدم ، سرمست کزهرم  
 اردن ایچیلیمین می نیلرسک ؟



## همت بابا

خراساندن قالقدم سوکون ایلدم  
 شونده قول یوسفی کورمه کلدم  
 ایندم اشیکنه نیاز ایلدم  
 درگاهنه یوزلر سورمه کلدم .

نوردن قوشاق قوشاندیلر بلیمه ،  
 حق محمد علی کلدی دیلیمه ؛  
 ایندم کیتدم اون ایکی امام یولنه  
 اماملر دیدارین کورمه کلدم

درویش اولان بونده خیرقه سین ایستر  
 وار آل رهبری مرشده کوستر ...  
 یوکم لعل و کوهر برصاغان ایستر  
 کیمن آلوب ، کیمن صاتمغه کلدم

ہے مجھ پر مرشدینہ طایلی  
دیوار لری لعل و کوہ یایی  
بر شہرم وار بتمش ایکی قاپولی  
کیمن آچوب ، کیمن اور تمک کادم

قول ہتم کوکہ کیم کیملر اوچدی ؟  
اول ادريس پیغمبر حلالر یچدی  
صوی صویہ کوپری قوروب کیم کچدی  
ارنلر دیدارین کورمک کادم



### درویش شوکت

حقیقت گروانی کچدی کیدیور  
واروب بر کاملہ سورہ بیلدگی ؟  
اون ایکی قطاری بر ار یہ دیور  
جان کوزنی آچوب کورہ بیلدگی ؟

ماسوانک التزامن الممشک  
حیفہ دنیاہ مائل اولمشک ..  
جملہ قارده شلردن کیری قالمشک  
آتی ایلری سورہ بیلدگی ؟

## بگناشی نفسلری

مؤمنلر یانندن کلوب کچرسک ؟  
 محبت ایدنلردن نهیه قاچارسک ؟  
 بونده نه اگدکسه اونی یچرسک !  
 عمل تارلاسنی سوره بیلدکی ؟

الست بزمنده نهیدی پیمانک ؟  
 نیچون دیکله منرسک حقتک فرمان ؟  
 آنده نه بیوردی سکا سلطانک  
 عهد واقرارینه طوره بیلدکی ؟

درویش شوکت ایدر حقدن قاچارسک ؟  
 حق قویوب باطل یوله صاپارسک !  
 شودنیاده یوکسک اولر یاپارسک !  
 آخرت سراین قوره بیلدکی ؟



## بزم جم

رضا توفیق بابا

اوزله یوب بختیار کچن زمانی  
 آواره کوکلز خیلی محزوندی ،  
 آچمادق کیمسه یه درد نهانی  
 داستان همک شرحی اوزوندی ،



### بكتاشى نفسلىرى

ايرمه دن كلشنك دور ماتمى ،  
 ديدك شاد ايدەلم كهنه عالمى .  
 سرباز عاشقلىرى يارى ، همدى ،  
 بزم محبته صلا اولوندى .

آسوده جانلىرى ھې اويا ندىردىق ،  
 عھمان وحدتى دالغەلاندىردىق .  
 عشقك چراغنى ياقدىق ، ياندىردىق .  
 پروانه كوكلار نوره مفتوندى .

جانمى ارمغان چكوب جامانه ،  
 بر قربان يتوردم بنده ميدانه .  
 نا كھان برمھوش كلدى ميدانه  
 آجدى نقابى ؛ بر آى طولوندى

تابش حسنى فر وىرى مھتابه  
 بر پرتو دوشوردك جام شرابه .  
 ناله لر دم طوتدى چنك وربابه  
 ياحى ! صدالرى جانە دوقوندى .

دللىر بر برىنە اولدى افتاده ،  
 بنده مسحور اولدم بر پريزاده  
 طورى لالابالى ، طبعى آزاده ،  
 مشربى موافق ، فكري اويغوندى .

دل چابوق باغداشیر سربست اولنجه  
 کوکلدن دوست اولدق همدست اولونجه ،  
 کوزلرینه باقدم سرمست اولونجه  
 اونهدی ؟ یاربی ! فاصل فسوندی ؟!

کرچک ارنلرک بزم جنده ،  
 حق نصیب آلمشدی الفت دمنده .  
 برجرعه قالمیشدی غنجه فنده ؟  
 آتشین لبری می کلکوندی ...

اولکی دملری کتوروب یاده ،  
 برنشئه ویردک بوخراب آباه .  
 اللرده دولاشدی کلکلی باده  
 او پاکیزه ساقی پیمانه صوندی

بوده کچر یاهو ! دیدک ، نوش ایتدک !  
 ساز فغانه کلدی ، بز خروش ایتدک !  
 قطره یکن - دریالر کی - جوش ایتدک .  
 شوق دیدار ایله جانلر جوشغوندی .

فراغ عالمندن بر کون پیله دک ،  
 چشم غمیده یی روشن ایله دک  
 دوسته آچیلما دق نکتته سویله دک ،  
 معمای عشقک سری بولوندی ...

## بگشتاشی نفسلری

هی رضا ! معرفت تاج ایمش سرده ؛  
ینه آصقی آصدك بزم هنرده .  
اك باشه یازیلمش مدحك دفترده  
ماشقلر بزمنده نامك اوقوندی .



## یکسانی

ایسته‌م عالمده غیری میوه‌بی  
طادینه دویولماز بالمدر علی ،  
ایسته‌م دنیایی ویرسه‌لر دخی  
قوقمازم سنبلی ، گلدر علی ...

. . . . .

یکسانی‌یم نیجه دوشدم دردینه ،  
غرق اولدی وجودم چله بندینه ؛  
صورماز اولدی کوکل کندی کندینه  
سویلر دهانمده دیلمدر علی





## درویش روح الله

نیاز اهلندتر ظن ایتمه زاهد !  
مشهور جهاندر تازیمنز بزم  
سوزیمز مطلقا جاتانه عائد  
انا الحق چاغیریر سازیمز بزم ...

ارنلر بزمیدر میدان عرفان ؛  
ظلمتی نور ایدر ، انکاری ایمان ؛  
صافی ایسه اولور تلکیسی آرسلان ،  
قابیلاندن مدهشدر تازیمنز بزم .

قیودن کیرمه دن دوشون دریخجه !  
پک داردر یولمز ، صراطدن اینجه .  
معنا اوسته سندن او قودق هجه ،  
بکزه ر معمایه یازیمنز بزم !


لای اونیوتمشز ، هپ دیرز : الا !  
بو یوله چکمشز دهره الصلا !  
کتماندر شانمز ؛ دونمه یز اصلا  
آچیلماز منکره رازیمنز بزم

بولمشز مولای و جدا نمزده ،  
 ادب منجلیدر ارکانمزده ...  
 بر در هر بر ملت میدانمزده  
 تورگیز ، کوردیمز ، لازیمز بزم

روح الله ! بولمشز بو دمدده طائی !  
 بر ذاتده سیر ایتدك اسم و صفائی  
 بر الدن ایچدك كه آب حیاتی  
 قالمادی قیشمز ، یازیمز بزم ....

ختم















## DATE DUE

To renew  
call 292-3900

[illegible]



PL248  
R82B44  
1921